

7-5

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a u skladu sa članom 14. stav 4. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01, 8/10 i 15/17), na prijedlog Nadzornog odbora Agencije za privatizaciju Zeničko-dobojskog kantona, Vlada Zeničko-dobojskog kantona, na 117. sjednici, održanoj dana 12.08.2021. godine, d o n o s i

ZAKLJUČAK

I.

Prima se na znanje Izvještaj o radu Nadzornog odbora Agencije za privatizaciju Zeničko-dobojskog kantona za 2020. godinu.

II.

Izvještaj iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02- 30-1115C 921
Datum, 12.08.2021. godine
Zenica



DOSTAVLJENO:

- 1x Agencija za privatizaciju Zeničko-dobojskog kantona,
- 1x Nadzorni odbor Agencije za privatizaciju Zeničko-dobojskog kantona,
- 1x Stručna službe Skupštine Kantona,
- 1x a/a.

Na osnovu člana 14. stav 1. Zakona o Agenciji za privatizaciju Zeničko-dobojskog kantona („Sl. novine Zeničko-dobojskog kantona“, broj: 4/97, 15/97, 6/01, 8/10 i 15/17), člana 19. Statuta Agencije za privatizaciju Zeničko-dobojskog kantona („Sl. novine Zeničko-dobojskog kantona“, broj: 9/99), nakon razmatranja prijedloga teksta Izvještaja o radu Nadzornog odbora Agencije za privatizaciju Zeničko-dobojskog kantona za 2020. godinu, Nadzorni odbor Agencije za privatizaciju Zeničko-dobojskog kantona na 18. sjednici održanoj dana 26.05.2021. godine, donio je

ZAKLJUČAK

o utvrđivanju Izvještaja o radu Nadzornog odbora
Agencije za privatizaciju Zeničko-dobojskog kantona za 2020. godinu

I

Utvrđuje se Izvještaj o radu Nadzornog odbora Agencije za privatizaciju Zeničko-dobojskog kantona za 2020. godinu, u tekstu, koji čini sastavni dio ovog Zaključka.

II

Izvještaj iz stava I ovog Zaključka dostavit će se Vladi Zeničko-dobojskog kantona i Skupštini Zeničko-dobojskog kantona na razmatranje.

III

Zaključak stupa na snagu danom donošenja a za realizaciju istog zadužuje se direktor Agencije za privatizaciju Zeničko-dobojskog kantona.

Broj: 15-02-61/21
Zenica, 26.05.2021. godine

Član Nadzornog odbora
Agencije za privatizaciju
Zeničko-dobojskog kantona

Elmir Isaković



NADZORNI ODBOR
Agencije za privatizaciju
Zeničko-dobojskog kantona

IZVJEŠTAJ O RADU
NADZORNOG ODBORA AGENCIJE ZA PRIVATIZACIJU
ZENIČKO-DOBOJSKOG KANTONA ZA 2020. GODINU

mart/ožujak 2021. godine

SADRŽAJ

1. Uvod.....	1
2. Kontrola izvršenja programskih ciljeva Agencije za privatizaciju.....	2
3. Nadzor zakonitosti rada i finansijskog poslovanja.....	2
3.1. Vršenje nadzora zakonitosti rada i finansijskog poslovanja.....	3
4. Kontrola primjene zakonske i podzakonske regulative u postupcima prodaje predmeta "maloj privatizaciji"	3
5. Kontrola obaveza iz kupoprodajnih ugovora.....	4
5.1. Kontrola izvršenja obaveza aktivnih kupoprodajnih ugovora.....	4
6. Aktivnosti po osnovu sudskih postupaka proisteklih iz poslova privatizacije.....	6
6.1. Aktivni predmeti.....	6
6.2. Pasivni predmeti.....	6
7. Zaključno razmatranje.....	7
8. Prilog 1 Tabela 1. Izvršenje Finansijskog plana za 2020. godinu.....	8

1. UVOD

Odredbama člana 14. stav 1. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01, 8/10 i 15/17) i odredbama člana 19. Statuta Agencije za privatizaciju Zeničko-dobojskog kantona („Službene novine Zeničko-dobojskog kantona“, broj: 9/99), regulisano je da, Nadzorni odbor Agencije za privatizaciju Zeničko-dobojskog kantona (u daljem tekstu: Nadzorni odbor Agencije) provodi nadzor nad zakonitošću rada i finansijskog poslovanja Agencije za privatizaciju Zeničko-dobojskog kantona (u daljem tekstu: Agencija).

Djelatnost Agencije je obavljanje stručnih i drugih poslova u vezi sa privatizacijom. Temeljem odredaba člana 6. navedenog Zakona, Agencija vrši odobravanje, sprovođenje, organizovanje, nadziranje i podsticanje privatizacije preduzeća sa prostora Zeničko-dobojskog kantona u njenoj nadležnosti. U vezi sa privatizacijom preduzeća, odredbama stava 2. istog člana, taksativno su nabrojana ovlaštenja Agencije za privatizaciju, među kojima su, odobravanje programa privatizacije i početnog bilansa stanja, odlučivanje o načinu i sprovođenju postupka privatizacije, utvrđivanje povoljnijih uslova prodaje i plaćanja za preduzeća koja se ne privatiziraju saglasno načinu i uslovima određenim odobrenim programom privatizacije.

Skupština Zeničko-dobojskog kantona svojim odlukama imenuje predsjednika i članove Nadzornog odbora Agencije.

Odlukom Skupštine Zeničko-dobojskog kantona, broj: 01-34-13169/19 od 27.08.2019. godine, koja se primjenjuje od 22.09.2019. godine, imenovan je aktuelni saziv Nadzornog odbora Agencije za privatizaciju Zeničko-dobojskog kantona, na period od 4 (četiri) godine, u sastavu:

1. Mesud Čamdžić, dipl.iur., predsjednik
2. Elmir Isaković, mr.ecc., član
3. Azra Kaknjo, dipl.ecc. članica

Prethodno je, Odlukom Skupštine Zeničko-dobojskog kantona, broj: 01-34-12954/17 od 20.09.2017. godine, funkciju predsjednice Nadzornog odbora Agencije obnašala Lejla Alić, a članovi su bili Elmir Isaković i Senad Halilović.

Prema Statutu Agencije za privatizaciju Zeničko-dobojskog kantona, Nadzorni odbor Agencije ima veoma važnu ulogu, koja se ogleda u nadzoru nad kontrolom poslovanja i zakonitošću rada Agencije.

Konstituirajuću sjednicu, Nadzorni odbor Agencije je održao dana 26.09.2019. godine.

U toku 2020. godine, Nadzorni odbor održao je ukupno osam (8) redovnih sjednica, u okviru kojih je razmatrao ukupno 40 tačaka dnevnog reda, te donio 15 zaključka.

Nadzorni odbor Agencije tokom prošle godine, kada je na snazi bila Odluka Vlade Federacije Bosne i Hercegovine o proglašenju stanja nesreće uzrokovane pojavom koronavirusa, broj: 408/20 od 16.03.2020. godine, pa do donošenja Odluke o proglašenju prestanka istog, koja je stupila na snagu 29.05.2020. godine, nije održao tri redovne sjednice u mjesecu martu, aprilu i maju. Redovna sjednica u mjesecu februaru nije održana zbog odsustva predsjednika iz zdravstvenih razloga.

Svi zaključci, koji su doneseni na sjednicama Nadzornog odbora Agencije, su usvojeni jednoglasno.

2. KONTROLA IZVRŠENJA PROGRAMSKIH CILJEVA AGENCIJE ZA PRIVATIZACIJU

Osnovni ciljevi Agencije definisani su Programom rada Agencije za 2020. godinu, i isti predstavljaju nastavak aktivnosti iz ranijeg perioda, odnosno nastavak aktivnosti iz 2019. godine.

Nadzorni odbor Agencije je, u cilju osiguranja zakonitosti rada Agencije ostvarivao uvid i kontrolu akata Agencije, vršio kontrolu provedenih postupaka i procedura privatizacije imovine preduzeća, kao i tekućeg finansijskog poslovanja Agencije. To se prvenstveno odnosilo na uvid i kontrolu dokumentacije nastale kroz:

- 1) Privatizaciju imovine preduzeća, čiji je rok za okončanje 31.12.2021. godine, koji rok je utvrđen Odlukom o izmjenama Odluke o neposrednoj pripremi i provedbi male privatizacije („Sl. novine Federacije BiH“, broj: 60/19)
- 2) Vođenje sudskih postupka proisteklih iz poslova privatizacije.
- 3) Status privatiziranih preduzeća, koja će biti predmetom kontrole Agencije za reviziju privatizacije u Federaciji Bosne i Hercegovine, kao i drugih institucija i organa.
- 4) Kontrola izvršenja ugovorenih obaveza Kupaca kod aktivnih ugovora.

Rad Agencije, kao i privatizacijski procesi i postupci koje je Agencija provela, odnosno u kojim je učestvovala u izvještajnom periodu, u okvirima svojih nadležnosti i zadataka, ostvarivani su u skladu sa zakonskim propisima i odlukama nadležnih organa u Federaciji Bosne i Hercegovine. Nisu registrovana bilo kakva suštinska, kao ni formalna narušavanja propisa, niti radnje koje bi se mogle kvalificirati kao nezakonite.

3. NADZOR ZAKONITOSTI RADA I FINANSIJSKOG POSLOVANJA

Prema odredbama člana 19. Zakona o Agenciji za privatizaciju Zeničko-dobojskog kantona, sredstva za osnivanje i poslovanje Agencije osiguravaju se iz:

- budžeta Kantona,
- dijela novčanih sredstava ostvarenih prodajom preduzeća,
- naknada za usluge i
- drugih izvora.

Iz oblasti finansijskog poslovanja Agencije, na sjednicama Nadzornog odbora Agencije, u izvještajnom periodu razmatrani su slijedeći materijali:

- 1) Izvještaj o izvršenju Finansijskog plana Agencije za privatizaciju Zeničko-dobojskog kantona za period januar-juni 2020. godine,
- 2) Izvodi aktivnih računa Agencije počev od 01.01. do 31.12. 2020. godine

Nadzor zakonitosti rada i finansijskog poslovanja Agencije, Nadzorni odbor Agencije je vršio na slijedeći način:

- Nadzor i kontrola finansijskog poslovanja uvidom u dokumentaciju nastalu finansijskim poslovanjem,
- Posredno - izvještaji, ugovori, odluke, zaključci i drugi dokumenti,
- Metodom slučajnog ili ciljanog uzorka.

3.1. VRŠENJE NADZORA ZAKONITOSTI RADA I FINANSIJSKOG POSLOVANJA

Kontrolom finansijskih sredstava – Izvoda aktivnih računa Agencije počev od 01.01. do 31.12.2020. godine, u navedenom periodu poslovanja Agencije, nisu uočene nepravilnosti, te je Nadzorni odbor Agencije konstatovao, da je Agencija namjenski utrošila sredstva za kontrolisani period, kao i da nisu uočene neke nepravilnosti, niti trošenje sredstava na ime neke neplanirane stavke.

Kod analize finansijskog poslovanja, Nadzorni odbor Agencije je utvrdio da u prvom polugodištu rada Agencije za privatizaciju index izvršenja planiranih prihoda za 2020. godinu u odnosu na izvršenje za period I-VI 2020. godine, iznosi 44,77 %. Sa Escrow sredstava Agenciji za privatizaciju je transferirano planiranih i izvršenih 50% sredstava a bio je i prihod od prodaje u maloj privatizaciji u iznosu od 10.880,00 KM s indexom izvršenja od 21,7 %. Finansijsko poslovanje Agencije za privatizaciju Zeničko-dobojskog kantona u prvoj polovini 2020. godine, Nadzorni odbor Agencije je usvojio Zaključkom broj: 15-02-30/20.

Nadzorni odbor Agencije je u cilju vršenja kontrole primjene zakonitosti u predmetu privatizacije TP „Poljopromet“ dd Zenica tokom 2020. godine vršio uvid u relevantnu dokumentaciju navedenog društva a koja se tiče:

- stanja upisa vlasništva na poslovnim prostorima u nadležnom zemljišno-knjižnom uredu;
- pitanja rješavanja imovinsko-pravnih odnosa u aktuelnim postupcima koji se vode pred Upravom za imovinsko-pravne, geodetske poslove i katastar nekretnina Grada Zenica;
- Izvještaja Agencije za reviziju privatizacije u Federaciji Bosne i Hercegovine o obavljenoj reviziji pretvorbe i privatizacije TP „Poljopromet“ dd Zenica, broj: 02-19-1-423-23/16 od 19.05.2017. godine, kao i Rješenje o izvršenoj reviziji pretvorbe i privatizacije TP „Poljopromet“ dd Zenica, broj: 01-02-1-422-2/16 od 30.05.2017. godine, na koji je TP „Poljopromet“ dd Zenica uložio žalbu Vladi Federacije Bosne i Hercegovine, kao drugostepenom organu, koja je do zaključenja ovog izvještaja, odbijena kao neosnovana, Rješenjem V. broj: 238/2021 od 11.02.2021. godine.
- podnošenja krivičnih prijava i sl.

4. KONTROLA PRIMJENE ZAKONSKE I PODZAKONSKE REGULATIVE U POSTUPCIMA PRODAJE PREDMETA PUTEM „MALE PRIVATIZACIJE“ (poslovni prostori u vlasništvu preduzeća iz nadležnosti Agencije za privatizaciju)

Nadzorni odbor Agencije je, u okviru svoje nadležnosti, vršio nadzor primjene zakonitosti u postupcima koje je Agencija provodila u pripremi dokumentacije za objavu javnih poziva za prodaju imovine, putem male privatizacije, koji su u vlasništvu preduzeća iz nadležnosti ove Agencije, a shodno Odluci o izmjenama Odluke o neposrednoj pripremi i provedbi male privatizacije („Sl. novine Federacije BiH“, broj: 60/19), čiji je rok za okončanje do 31.12.2021. godine.

U toku 2020. godine, objavljena su tri (3) javna poziva za prodaju metodom aukcije i neposredne pogodbe u maloj privatizaciji predmeta u vlasništvu TD „Nova trgovina“ dd Žepče i „Natron“ dd Maglaj. Od prijavljenih predmeta, po jednom javnom pozivu (JP A-65), na aukciji održanoj dana 10.03.2020. godine, jedan (1) predmet je prodat uspješno.

Radi se o predmetu pod šifrom: 040200802, koji se nalazi u Donjoj Lovnici, Općina Zavidovići, koja nekretnina je označena u posjedovnom listu Općine Zavidovići kao br. 212 KO Donja Lovnica, izgrađena na k.č. 1269.

Početna cijena predmeta iznosila je 40.000,00 KM a isti je prodat metodom holandske odnosno duh aukcije za iznos od 28.000,00 KM. Ukupno ostvareni finansijski efekti od predmeta kupoprodaje za prodavca - TD „Nova trgovina“ dd Žepče iznose 25.200,00 KM a na Agenciju se odnosi 10,880 KM.

Nadzorni odbor Agencije je Zaključkom broj: 15-02-31/20 od 29.07.2020. godine konstatovao, da je Agencija postupak za prodaju navedenog predmeta provela u skladu sa zakonskim propisima u samoj pripremi predmeta za objavu javnog poziva, kao i postupak nakon okončane prodaje, koji je rezultirao potpisivanjem ugovora o kupoprodaji.

5. KONTROLA OBAVEZA IZ KUPOPRODAJNIH UGOVORA

Na dan 31.12.2020. godine, u Registru aktivnih kupoprodajnih ugovora u Agenciji, preostao je jedan ugovor, koji se odnosi na „Velepromet-Zenica“ dd Zenica.

Aktivni ugovori na dan 31.12.2020. godine		
„velika preduzeća“		
	Br. Ugovora	Predmet prodaje
1.	T-32-01	67% državnog kapitala „Velepromet- Zenica“ dd Zenica

5.1. KONTROLA IZVRŠENJA OBAVEZA AKTIVNIH KUPOPRODAJNIH UGOVORA

Naglašava se, da je i prethodni saziv Nadzornog odbora Agencije vršio uvid u Izvještaje/Informacije o stanju izvršenja ugovorenih obaveza po predmetu aktivnog Ugovora T-32-01 - „Velepromet-Zenica“ dd Zenica.

I tokom prošle godine predmetni ugovor bio je predmet rasprave i kontrole relevantne dokumentacije stanja izvršenja ugovornih obaveza Kupca „Trgomarket“ doo Zenica u okolnostima vođenja istražnih radnji koje provodi Tužilaštvo Zeničko-dobojskog kantona, u predmetu, pod poslovnim brojem: T04 0 KTK 0028979 18, protiv lica A.M., odgovorne osobe u navedenom pravnom licu, koji se sumnjiči da je počinio krivično djelo, koje se dovodi u vezu sa izvršenim ulaganjima u preduzeće-društvo „Velepromet-Zenica“ dd Zenica u periodu realizacije predmetnog Ugovora od 2011. - 2014. godine.

Nadzorni odbor Agencije je informisan da je Upravni odbor Agencije na sjednici održanoj dana 21.02.2020. godine, donio Zaključak, broj: 15-01-25/20, kojim se odbija zahtjev TUD „Trgomarket“ doo Zenica za izdavanje uvjerenja o izvršenim obavezama iz predmetnog

Ugovora, do okončanja navedenog postupka koji se vodi kod Kantonalnog tužilaštva Zeničko-dobojskog kantona, pored činjenice da je ovlaštena revizorska kuća sačinila Izvještaj o činjeničnim nalazima revizije izvršenja ugovorenih obaveza investiranja-ulaganja iz predmetnog Ugovora, broj: 19/20 od 21.02.2020. godine, koji je svojim zaključcima i mišljenjem, utvrdio da je TUD "Trgomarket" doo Zenica, izvršio investiciona ulaganja u skladu sa Ugovorom.

Agencija je postupila u skladu sa navedenim zaključkom Upravnog odbora Agencije, te je u upravnom postupku donijela Zaključak, broj: 15-03-01-26/20 od 25.02.2020. godine, kojim se prekida postupak za izdavanje uvjerenja o izvršenim obavezama po Ugovoru o kupoprodaji predmeta tendera T-32-01 „Velepromet-Zenica“ dd Zenica, do okončanja navedenog postupka, broj: T04 0 KTK 0028979 18. Protiv navedenog Zaključka Agencije, TUD "Trgomarket" doo Zenica, je uložio žalbu, koja je odbijena Rješenjem nadležnog Ministarstva za privredu Zeničko-dobojskog kantona, broj: 14-15-72/20 od 02.04.2020. godine, protiv kojeg je pokrenut upravni spor kod Kantonalnog suda u Zenici u predmetu broj: 04 0 U 011792 20 U od 11.05.2020. godine.

Nadzorni odbor Agencije je upoznat, da je Kantonalni sud u Zenici u navedenom predmetu tužbu TUD "Trgomarket" doo Zenica uvažio, navedeno rješenje tuženog Ministarstva za privredu Zeničko-dobojskog kantona i navedeni zaključak prvostepenog organa-Agencije, poništio i predmet vratio prvostepenom organu na ponovno odlučivanje. Slijedeći upute iz obrazloženja navedene presude, Agencija je pristupila aktivnostima na provođenju vještačenja po vještaku finansijsko-računovodstvene struke, u kojem postupku je Nadzorni odbor Agencije Zaključkom, broj: 15-02-43/20 od 26.11.2020. godine, ocijenio da vještak treba da utvrdi, pored obaveze ulaganja, da li su izvršene i ostale obaveze preuzete ugovorom, koje se tiču zapošljavanja, zadržavanja djelatnosti i dr., te naložio Agenciji da se dopuni vještačenje u predmetnoj stvari u tom pogledu.

Do zaključenja ovog Izvještaja, Nadzorni odbor Agencije raspolaže informacijama, da su u vezi sa navedenim Ugovorom, na upit Agencije, o trenutnom stanju evidentnog istražnog postupka, od nadležnog Kantonalnog tužilaštva, aktom broj: T04 0 KTK 0028979 18 od 29.12.2020. godine (zaprimljen pod brojem: 04/21 od 05.01.2021. godine), dostavljene informacije da je u konkretnom predmetu krivična istraga okončana dana 16.12.2020. godine, kada je podignuta optužnica protiv imenovanog M.A., da je ista dostavljena Kantonalnom sudu u Zenici na dalje postupanje, i da je dana 23.12.2020. godine, Kantonalni sud istu potvrdio. Navedenim aktom je prezentiran kraći činjenični opis optužnice, kojim su obuhvaćena investiciona ulaganja u "Velepromet-Zenica dd Zenica od strane M.A., vlasnika i direktora privrednog društva Trgomarket" doo Zenica, i to; "prijenosom „Proizvodnog pogona za proizvodnju vafla i keksa" i "Proizvodnog pogona za proizvodnju i prometovanje toalet papira i ubrusa" i "Mašina za salvete", čija je procijenjena vrijednost u ukupnoj visini od 1.700,000,00 KM, i isporukom obrtnih srestava razne trgovačke robe u ukupnoj visini od 1.632.244,00 KM."

U navedenom predmetu Nadzorni odbor Agencije je upoznat da je Upravni odbor Agencije u skladu sa svojim ovlaštenjima, na sjednici održanoj dana 21.01.2021. godine, donio Zaključak, broj: 15-01-61/21, kojim se odbija zahtjev Društva „Trgomarket“ doo Zenica za izdavanje uvjerenja o izvršenim obavezama po Ugovoru o kupoprodaji predmeta tendera T-32-01 „Velepromet-Zenica“ dd Zenica, do pravomoćnog okončanja postupka koji se vodi pred Kantonalnim sudom u Zenici, poslovni broj: T04 0 KTK 0028979 18, koji zaključak je

do zaključenja ovog izvještaja u cjelosti podržao Nadzorni odbor Agencije svojim Zaključkom, broj: 15-02-50/21 od 28.01.2021. godine.

6. AKTIVNOSTI PO OSNOVU SUDSKIH POSTUPAKA PROISTEKLIH IZ POSLOVA PRIVATIZACIJE

Informaciju o stanju sudskih sporova proisteklih iz poslova privatizacije u kojim je učesnik Agencija, sa stanjem na dan 19.11.2020. godine, Nadzorni odbor Agencije je verifikovao Zaključkom, broj: 15-02-44/20 od 26.11.2020. godine.

6.1. AKTIVNI PREDMETI

Ukupan broj aktivnih sudskih sporova u 2020. godini, u kojim Agencija za privatizaciju ima svojstvo tužitelja je tri (3) od čega se:

- jedan predmet odnosi na raskid kupoprodajnog ugovora zbog neizvršenja ugovorom preuzetih obaveza od strane kupca preduzeća „Poljopromet“ dd Zenica;
- jedan spor se temelji na naplati ugovorne kazne, proistekle u postupku privatizacije preduzeća JP „Autoprijevoz“ dd Tešanj, koji je u fazi izvršenja, te
- jedan spor koji se vodio protiv TD „Progres“ doo Zenica, radi regresnog potraživanja, u kojem postupku je Agencija uložila reviziju Vrhovnom sudu u Federaciji Bosne i Hercegovine protiv presude Kantonalnog suda u Zenici (broj: 43 0 Ps 093297 15 Pž od 30.09.2015.g.). Predmetna revizija je okončana u korist Agencije na način da se ista usvaja, nižestepene presude preinačavaju u odbijajućem dijelu tako da se tuženi obavezuje isplatiti iznos od 242.435,78 KM sa zakonskom zateznom kamatom počev od 25.02.2015. godine pa do isplate dok se revizija tuženog odbija. Tuženi je protiv presude Vrhovnog suda Federacije Bosne i Hercegovine (broj: 43 0 Ps 093297 15 Rev od 10.08.2018.g.), podnio apelaciju Ustavnom sudu Bosne i Hercegovine, koja je odbijena Odlukom, broj: AP-5646/18 od 23.06.2020. godine.

6.2. PASIVNI PREDMETI

Tokom 2020. godine, evidentirana su tri (3) predmeta, u kojim je Agencija za privatizaciju tužena strana.

- jedan spor je u vezi sa privatizacijom imovine bivše vlasništvo preduzeća „Velepromet-Maloprodaja“ dd Visoko, radi utvrđivanja vlasništva na prostoru koji je, posredstvom Agencije, tužitelj (S.O. iz Visokog) kupio u postupku male privatizacije po Ugovoru T- 16-22 od 09.05.2000. godine. Pored Agencije za privatizaciju, tužena je „Velepromet-Maloprodaja“ dd Visoko, nad kojim je u međuvremenu otvoren stečaj, počev od 28.11.2016. godine. U provedenom postupku, koncem 2018. godine donesena je nepravomoćna presuda, po kojoj se Agencija obavezuje da tužitelju izvrši povrat kupoprodajne cijene (100.000,00 KM sa zakonskom zateznom kamatom, od toga 35.000,00 KM u novcu i u certifikatima iznos od 65.000,00 KM), te se utvrđuje da je osnovano potraživanje tužitelja da ima puno namirenje iz stečajne mase tuženog „Velepromet- Maloprodaja“ dd Visoko-u stečaju, iznosa navedene kupoprodajne cijene. U drugostepenom postupku Kantonalni sud u Zenici (Presuda, broj: 43 0 P

055703 19 Gž od 05.09.2019.g.), žalbe Agencije i „Velepromet-Maloprodaja“ dd Visoko-u stečaju, je uvažio i prvostepenu presudu preinačio tako da se tužitelj u cjelosti odbija sa tužbenim zahtjevom. U predmetnoj stvari tužitelj je izjavio reviziju Vrhovnom sudu Federacije Bosne i Hercegovine, koja je odbijena presudom, broj: 41 0P 055703 19 Rev od 08.01.2020. godine.


- jedan spor proistekao iz postupka privatizacije preduzeća JP „Autoprijevoz“ dd Tešanj. Kupac 67% državnog kapitala navedenog preduzeća je tužio Agenciju radi naknade štete/stjecanje bez osnova u kojem postupku je Općinski sud u Zenici, donio Presudu, broj: 43 0 P 124802 od 15.11.2019. godine, kojom se odbija tužbeni zahtjev tužitelja, protiv koje je uložena žalba Kantonalnom sudu u Zenici, koja je odbijena Presudom, broj: 43 0 P 124802 20 Gž od 24.04.2020. godine. U navedenom predmetu tužitelj nije ulagao reviziju.
- jedan spor koji je takođe proistekao iz postupka privatizacije preduzeća JP „Autoprijevoz“ dd Tešanj, koji je pokrenuo bivši Kupac, za naknadu štete-povrat sredstava, u kojem predmetu je do zaključenja ovog izvještaja, tužilac se odrekao tužbenog zahtjeva (nepravomoćna Presuda - na osnovu odricanja Općinskog suda u Zenici, broj: 43 0 Ps 171020 19 Ps od 22.02.2021. godine.

7. ZAKLJUČNO RAZMATRANJE

Rad i finansijsko poslovanje Agencije za privatizaciju Zeničko-dobojskog kantona u 2020. godini, odvijali su se u skladu sa zakonskim propisima, općim aktima Agencije, stavovima Vlade Zeničko-dobojskog kantona, te zaključcima Upravnog i Nadzornog odbora Agencije za privatizaciju Zeničko-dobojskog kantona.

- Finansijski izvještaji su istinito i objektivno prikazali finansijski položaj i rezultate Agencije.
- Direktor Agencije se pridržavao preporuka, zaključaka i odluka Upravnog i Nadzornog odbora Agencije.
- Umanjeni rezultati privatizacije nisu posljedica rada Agencije, nego uticaja niza faktora, počev od nepovoljnog poslovnog ambijenta, nedefinisane ponude i zahtjeva za privatizaciju, a posebno zbog toga što Vlada Federacije Bosne i Hercegovine nije donijela odluku o metodi, načinu, nadležnoj agenciji i rokovima za privatizaciju veterinarskih stanica i komunalnih preduzeća (5 veterinarskih stanica i 25 komunalnih preduzeća).

U Zenici, 26.03.2021. godine



Član Nadzornog odbora
Agencije za privatizaciju
Zeničko-dobojskog kantona
(po ovlaštenju predsjednika)

Elmir Isaković

8. PRILOG 1.

Tabela 1. - Izvršenje Finansijskog plana za 2020. godinu, u odnosu na planirane iznose

Ekonomski kod	OPIS	Plan 2020	Izvršenje I-XII 2020	INDEX (4:3)
1	2	3	4	5
700000	I PRIHODI	390.500	566.161	145,0
	I.1. Prihodi Kantona	340.000	239.350	70,4
732114	Budžet Kantona	-	-	
7321140	ESCROW sredstva-troškovi evikcije	340.000	239.350	70,4
	I.2. Prihodi koje ostvari Agencija	50.500	326.811	647,1
721600	Prihodi od privatizacije	50.000	10.880	21,7
722600	Ostali prihodi	500	315.931	-
610000	II TEKUĆI RASHODI	370.400	357.828	96,6
611000	Plaće i naknade troškova zaposlenih i naknade za članove UO i NO	285.000	277.773	97,5
612000	Doprinosi poslodavca i ostali doprinosi	26.800	26.015	97,1
613000	Izdaci za materijal i usluge	58.600	54.040	92,2
	Kapitalna ulaganja	1.000	784	78,4
	Višak prihoda nad rashodima	20.100	208.033	1035,0

